

جابتن كاجوان إسلام مليسيا

تيكس خطبه

تاجوق: اخلاق موليا ڤليندوڠ رماج

تاریخ دباچ: ۷ نوفریمبر ۲۰۲۵ ۱۲ جمادی الأول ۱٤٤۷هـ

دسدیاکن اولیه: جابتن کماجوان اسلام ملیسیا





## اخلاق موليا ڤليندوڠ رماج ٧ نوومبر ٢٠٢٥ م / ١٦ جمادى الأول ١٤٤٧هـ

## أَخْمَدُ لِلَّهِ الْقَائِلِ:

## أُعُوذُ بِاللَّهِ مِنَ الشَّيْطَانِ الرَّجِيمِ

﴿ يَتَأَيُّهَا ٱلَّذِينَ ءَامَنُواْ قُوَاْ أَنفُسَكُمْ وَأَهْلِيكُمْ نَارًا وَقُودُهَا ٱلنَّاسُ وَٱلْحِجَارَةُ عَلَيْهَا

مَلَتَهِكَةٌ غِلَاظٌ شِدَادٌ لَّا يَعْصُونَ ٱللَّهَ مَا أَمَرَهُمْ وَيَفْعَلُونَ مَا يُؤْمَرُونَ ۞ ﴿

التحريم [6] أَشْهَدُ أَنْ لَا إِلٰهَ إِلَّا اللهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ إِلَى يَوْمِ الدِّينِ. أَمَّا بَعْدُ، فَيَا عِبَادَ اللهِ، اتَّقُوا اللهَ، أُوصِيكُمْ وَنَفْسِي بِتَقْوَى اللهِ وَطَاعَتِهِ لَعَلَّكُمْ تُفْلِحُونَ.

## سيدغ جمعة يڠ درحمتي الله،

ماريله كيت ممبهاروءي تقوا كڤد الله دغن سبنر۲ تقوا. تقوا يڠ بوكن هاڷ د بيبير، نتافي يغ ممبيمبيغ هاتي دان تيڠكه لاكو. دغن تقوا، هيدوڤ منجادي ترأره ؛ تنڤا تقوا، هاتي منجادي کلڤ دان موده دڤڠاروهي هوی نفسو. کيت هيدوڤ د زمان



يغ ڤنوه اوجين ترهادف جيوا انق مودا. موسوه اخلاق تيدق لاکي داتغ دغن ڤدغ، نتاڤي دغن سکرين د تغن. مريک د سرغ بوکن اوليه تنترا، نتاڤي اوليه کلومبوغ معلومت دان هيبورن تنڤ سمڤادن. دالم ساتو هاري، ريبون ميسيج، کمبر دان ويديو منمبوسي هاتي دان ممبنتوق نيلاي مريک سبلوم کيت سمڤت منکور. اينله رياليتي زمان کيت. دونيا بروبه بکيتو چڤت، نتاڤي نيلاي سدغ ڤودر ڤرلاهن. ماک خطبه هاري اين مپرو سلوروه جماعه کڤد تيما يغ امت ڤنتيغ ياءيت: "اخلاق موليا ڤليندوغ رماج".

#### سيدغ جمعة يڠ دكاسيهي،

اوسيا رماج اداله فاسا يغ منتنوكن اره هيدوف سسأورغ، يا تمقوه د مان نفسو ممبارا، سمغت تيغني، دان ايدينتيتي سدغ دبنتوق، دالم فاسا اينله مريك بلاجر مغنل بنر دان ساله، ممبينا ڤرينسيڤ، دان منچاري ارتي ديري، جک رماج قوات اخلاق، مريک اکن منجادي ڤيمڤين يغ ممباوا كاويقن، نتاڤي جک مريک هيلاغ نيلاي، مريک اکن منجادي کينراسي يغ موده دڤغاروهي هاوا نفسو، کران ايت، رسول الله ممبري ڤرهاتين بسر کڤد کينراسي مودا، باکيندا تيدق مڠحکوم مريک دڠن کاسر، نتاڤي منديديق دڠن کاسيه دان حکمه،

قد ایت یغ دباچاکن خطیب د أول تادي، الله برفرمان دالم سورة التحریم آیة ٦ یغ مقصودث:

"واهاي اورغ۲ يغ برايمن! ڤليهاراله ديري كامو دان كلوارك كامو دري نراك يغ باهن۲ باكرنژ: ماءنسي دان باتو برهالا; نراك ايت دجاك دان دكاول اوليه



ملائكة ٢ يغ كرس كاسر لاينن; مريك تيدق مندرهاك كفد الله دالم سكالا يغ دفرينتهكن". دفرينتهكن".

ایات این بوکن هان فرینته کفد ایبو باف، نتافی جوک کفد سلوروه مشارکت. کیت سموا برتنمکوغجواب منجاک دان ممبینا اخلاق کینراسی مودا اکر مریک تیدق هاپوت دالم اروس دنیا تنفا فدومن. جک کیت کاکل مندیدیق هاری این، مک ایسوق کیت اکن مناغیس ملیهت کینراسی یغ هیلغ مالو، هیلغ حرمت، دان هیلغ توهن.

## سيدغ جمعة يغ دكاسيهي،

سهيڠ هاري اين، لاڤورن دري اينستيتوت ڤپليديقن ڤباغونن بليا، ترداڤت لبيه 9.5 جوتا رماج برعمور 15 هيڠ ن 30 تاهون ممباوا كڤد جومله همڤير 28% درڤد كسلوروهن ڤندودوق نكارا، مريك بوكن سقدر اڠك دالم لاڤورن، نتاڤي امانه بسريڠ اكن مننتوكن ماس دڤن اكام دان بڠسا، نامون، اكق ممبيمبڠكن اڤابيلا ستاتيستيك كمنترين ڤنديديقن منونجوقكن سباپق 7681 كيس دريكودكن ڤد تاهون 2022، همڤير 70 ڤراتوس تاهون 4022، همڤير 70 ڤراتوس كيس بولي برلاكو دالم كالڠن ڤلاجر سكوله منڠه، ايت بلوم ترماسوق جُالا لاءين سڤرتي ڤونتيڠ، ڤركاءولن بيبس، ڤپالهكوناءن ميديا سوسيال، دان كرونتوهن مورل يڠ ترسمبويي دسباليق سكرين تيليفون، جوسترو حاضيرين سكالين، اين بوكن سقدر مسأله ديسيڤلين، يڠ كيت بيمبڠكن اين اداله تندا اد هاتي يڠ سدڠ ساكيت، دان ايمان يڠ سدڠ ملهه، كيت تيدق بوليه منوديڠ جاري سمات-مات كڤد رماج، كران



مریک تیدق لاهیر دالم ککوسوغن. کیتاله مشارکت یغ ممبنتوق فرسکیترن مریک دغن چونتوه، دغن تلادن، اتاو دغن کلالاین کیت سندیري.

سيدغ جمعة يڠ دمولياكن،

رسول الله صلى الله عليه وسلم برسبدا دالم سبواه حديث يثم دريوايتكن اوليه أحمد؛ والله عليه وسلم بعثتُ لِأُمَّيِّمَ مَكَارِمَ الْأَخْلَاقِ

مقصودت: "سسوڠڬوهڻ اكو د أوتوسكن اونتوق مپمڤورناكن اخلاق يڠ موليا".

اخلاق موليا بوكن هاڻ تنتغ سوڤن سنتون، نتاڤي تنتغ كقواتن جيوا كبرانين منولق يڠ ساله دان استقامة ملاكوكن يڠ بنر. ماره بوكن تندا بنجي، نتاڤي تندا سايڠ، منديديق بوكن مغحكوم، نتاڤي مپلامتكن. ايبو باڤ، كورو، دان مشاركت ڤرلو برساتو هاتي ممبيمبيڠ انق٢ دڠن كاسيه سايڠ يڠ براكر درڤد ايمان. جاڠن ممبياركن دنيا منديديق مريك دڠن هاوا نفسو، سمنتارا كيت ديام تنڤا تيندقن.

اخلاق ايت عبارت ڤريساي دميدن تمڤور. تنڤا ڤريساي، سأورغ تنترا اكن تيواس والاوڤون سنجات تاجم. نتاڤي جک اخلاق تکوه، ايمان اکن ممندوڻ والاو دتڠه کلومبڠ دنيا يڠ مڠکودا. رسول الله صلى الله عليه وسلم ڤرنه منصيحتي عبد الله بن عباس رضي الله عنه دالم حديث يڠ دريوايتكن اوليه الترمذي يڠ بربوپي:

احْفَظِ اللَّهَ يَحْفَظْكَ

مقصودت: "ڤليهار له الله (ياءيت ڤرينتهڻ)، نسچاي الله اکن ممليهارمو".

ايتله رهسيا كجاياءن؛ بوكن هرت، بوكن ڤوڤولاريتي، نتاڤي هوبوڠن يڠ قوات دڠن الله، اڤابيلا رماج منجاك هوبوڠنڻ دڠن الله، الله اكن منجاك مرواه، ماس دڤن دان كتنڠن جيوانڻ.



#### سیدغ جمعة یغ دکاسیهی،

رماج هاري اين ڤرلو دبيمبيڠ دڠن بيمبيڠن يڠ اخلاص دان چونتوه يڠ پات، مريک تيدق اکن بروبه دڠن تکورن يڠ منجاتوهکن، نتافي دڠن ڤرهاتين دان کاسيه سايڠ يڠ ممبينا کيقينن، ايبو باڤ ڤرلو منونجوقکن تلادن دالم صلاة، اخلاق دان چارا برکومونيکاسي دڠن انق٢، رومه يڠ دڤنوهي دڠن دعا، ذکير دان کاسيه اکن ملاهيرکن انق يڠ تنڠ دان حرمت، کورو ڤولا ڤرلو منديديق دڠن جيوا، بوکن سقدر مڠجر اونتوق مرکه، علمو يڠ دسمڤايکن دڠن کاسيه اکن ککل دالم هاتي موريد، دان مشارکت سلوروهڻ ڤرلو موجودکن سواسنا يڠ مپوکوڠ نيلاي باءيق ترماسوقله منکور دڠن سوڤن، ممبنتو دڠن حرمت، دان مڠيلق درڤد مپيبر کعاءين،

چينتاءيله علمو دعن سڤنوه هاتي! جاغن سكالي-كالي كيت جمو منونتوت علمو دان مجباچ! كوناكله سكالا علمو يع اد اونتوق كباءيقن اومت دان ڤباغونن اومت. دان يع ڤاليڠ اوتام، واريثيله سماغت كعلموان اسلام يع مجبينا تمدون-تمدون يڠ مجيمڤين دنيا دغن چهاي وحي بوكن تمدون ڤلسو يڠ هاڻ كه د مات نتاڤي كوسوڠ درڤد نيلاي دان كبنرن.

سمڤنا فيستيول ايديا ڤوتراجاي انجورن كمنترين ڤنديديقن تيڠكي يڠ سدڠ برلڠسوڠ ڤد 4 هيعك 8 نوويمبر 2025 برتمڤت د PICC، ڤلباكاي ڤروكرم كعلموان تله دسوسون دان دلقسناكن كڤد ڤلباكاي لاڤيسن مشاركت، فيستيول اين برتوجوان ممڤركلكن كعارفن دان كڤاكرن تمڤتن ملالوءي إيستيتوسي ڤنديديقن تيڠكي دان جالينن كحارفن دان كمنترين، جابتن دان اكينسي ملالوءي ڤروكرم ڤركوڠسين كعلموان، ڤرسيدڠن دان ڤاميرن اينوواسي تركيني باكي مڠاتسي چابرن دان إيسو سماس كأره



كممڤنن مليسيا مدني. انتارا ڤروكزم يع د أنجوركن منروسي فيستيول إيديا ڤوتراجاي اياله تيته د راج، فوروم بركاءيتن ڤنديديقن دان كڤيمفينن، ڤاميرن كجردسن بواتن (AI)، دان ڤلباكاي اكتيويتي لاكي.

اوليه ايت، ماريله برسام-سام كيت مربوت ڤلواغ يع اد د PICC ڤد هاري اين دان ايسوق سرتا مپرتاءي ڤروكرم-ڤروكرم ڤنديديقن يع د أنجوركن د مان-مان إينستيتوسي ڤنديديدقن تيڠكي يڠ برهمڤيرن، كران اين اداله ڤلواغ يڠ ساڠت برهركا اونتوق كيت ممڤركايكن ديري دڠن علمو دالم ڤلباكاي بيدغ، سموك أي منجادي سومبر اينسڤيراسي دان موتيواسي اونتوق تروس كيات براوسها منچاري علمو دان منمبكن ڤغتاهوان.

## سيدغ جمعة يڠ دمولياكن،

باكي مڠاخيري خطبه اين، ماريله كيت رنوڠكن تيك ڤركارا ڤنتيڠ سباكاي ڤندوان كهيدوڤن:

قرتام: اخلاق ایاله بینتیغ ایمان دان قلیندوغ مرواه رماج. تنقا اخلاق، علمو تیدق ممباوا برکة دان کچردیقن تیدق منجامین کسلامتن.

كدوا: ايبو باڤ، كورو دان مشاركت مستي بركنديغ باهو ممبينا رماج برجيوا تقوى. منديديق بوكن توكس سكوله سمات-مات، نتافي تڠكوڠجواب اومة سلوروهش.

كتيك: رماج إسلام مستي بغكيت منجادي چونتوه دغن منولق بودايا معصية، منولق فغاروه هيدونيسمى، دان ممبينا ايدينتيتي ديري يغ براساسكن ايمان، علمو دان عمل.



واهاي انق مودا، ماس دڤن إسلام اد دباهومو، جک کامو منجاک اخلاقمو، الله اکن منجاک ماس دڤنمو، دان واهاي ڤارا ايبو باڤ، جاڠن ڤرنه ڤوتوس اس دالم دعاء، کران دعاء يڠ منيتيس دري هاتي يڠ اخلاص لبيه قوات درڤد سريبو نصيحت د دنيا، سموک الله مڠورنياکن کڤد کيت کينراسي مودا يڠ منچينتاءي علمو، براخلاق موليا دان منجادي رحمة کڤد مشارکت، سموک ستياڤ رومه منجادي مدرسة، ستياڤ ايه منجادي مربِّي، دان ستياڤ ايبو منجادي چهاي يڠ منونتون انق منوجو ک شرک.

بَارَكَ اللهُ لِيْ وَلَكُمْ بِالْقُرْآنِ الْعَظِيمِ، وَنَفَعَنِيْ وَإِيَّاكُمْ بِمَا فَيْهِ مِنَ الْآيَاتِ وَالذِّكْرِ الْهَ الْحَكِيمِ، وَتَقَبَّلَ مِنِيْ وَمِنْكُمْ تِلَاوَتُهُ إِنَّهُ هُوَ السَّمِيْعُ الْعَلِيمُ، أَقُولُ قَوْلِيْ هَذَا وَأَسْتَغْفِرُ اللهَ الْعَظِيمَ لِيْ وَلَكُمْ وَلِسَائِرِ الْمُسْلِمِينَ وَالْمُسْلِمِينَ وَالْمُوْمِنِينَ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ الْعَظِيمَ لِيْ وَلَكُمْ وَلِسَائِرِ الْمُسْلِمِينَ وَالْمُسْلِمِينَ وَالْمُؤْمِنِينَ وَالْمُؤْمِنَاتِ الْأَحْدَاءِ مِنْهُمْ وَالْعَظِيمَ لِيْ وَلَكُمْ وَالْأَمُواتِ، فَاسْتَغْفِرُوهُ إِنَّهُ هُوَ الْعَفُورُ الرَّحِيمُ.



#### خطبه كدوا

ٱخْمَدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدِنِ النَّبِيِّ الْأَمِينِ، وَعَلَى آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلاَّ اللهُ وَحْدَهُ لَا شَرِيْكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. أَمَّا بَعْدُ، فَيَا عِبَادَ اللهِ، اِتَّقُوا اللهَ حَقَّ تُقَاتِهِ وَاعْلَمُوا أَنَّ اللهَ أَمَرُكُمْ بِأَمْ عَظِيمٍ، أَمَرَكُمْ بِالصَّلَاةِ وَاللَّهَ عَلَى: إِنَّ اللهَ وَمَلَتَهِ عَلَى نَبِيّهِ الْكَرِيمِ، فَقَالَ اللهُ تَعَالَى: إِنَّ اللَّهَ وَمَلَتَهِ عَلَى نَبِيّهِ الْكَرِيمِ، فَقَالَ اللهُ تَعَالَى: إِنَّ اللَّهَ وَمَلَتَهِ عَلَى نَبِيّهِ الْكَرِيمِ، فَقَالَ اللهُ تَعَالَى: إِنَّ اللَّهَ وَمَلَتَهِ عَلَى نَبِيّهِ الْكَرِيمِ، فَقَالَ اللهُ تَعَالَى: إِنَّ اللَّهَ وَمَلَتَهِ عَلَى اللهُ عَلَى اللهُ عَلَى اللهُ اللهُ اللهُ اللهُ عَلَى اللهُ اللهِ اللهُ اللّهُ اللهُ الل

# ٱلنَّجِيُّ يَكَأَيُّهَا ٱلَّذِينَ ءَامَنُواْ صَلُّواْ عَلَيْهِ وَسَلِّمُواْ تَسَلِيمًا ۞

ٱللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٌ كَمَّا صَلَّيْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ وَعَلَى سَيِّدِنَا إِبْرَاهِيمَ وَعَلَى سَيِّدِنَا إِبْرَاهِيمَ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَّا بَارَكْتَ عَلَى سَيِّدِنَا إِبْرَاهِيمَ فِي الْعَالَمِيْنَ إِنَّكَ حَمِيْدٌ مَجِيْدٌ.

وَارْضَ اللَّهُمَّ عَنِ الْخُلُفَاءِ الرَّاشِدِينَ وَعَنْ بَقِيَّةِ الصَّحَابَةِ أَجْمَعِينَ، وَعَنِ التَّابِعِينَ وَتَابِعِي التَّابِعِينَ وَمَنْ تَبِعَهُمْ بِإِحْسَانِ إِلَى يَوْمِ الدِّيْنِ وَارْضَ عَنَّا مَعَهُمْ يَا أَكْرَمَ الْأَكْرَمِينَ. اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ. اللَّهُمَّ أَيِّذَ بِدَوَامِ التَّوْفِيْقِ وَالْهِدَايَةِ وَالصِّحَّةِ وَالسَّلَامَةِ جَلَالَةَ مَلِكِنَا كباوه دولي يثم مها

اللهم آيِد بِدُوامِ التُوفِيقِ وآهِدايهِ والصِحهِ والسارَمَهِ جارَلهُ مُدِحِبُ عَبُوهُ دُونِي يَعَ مُهُ موليا سري ڤدوك بكيندا يڠ د-ڤرتوان اكوڠ سُلْطَان إِبْرَاهِيمٍ.

وَكَذَلِكَ كَبَاوِه دُولِي يَعْ مَهَا مُولِيا سَرِي قُدُوكَ بَكْيَنَدَا رَاجٍ قُرَمَايِسُورِي اَكُوع، رَاجِ زَارِيَثْ صُوفِيَاهْ.

اللَّهُمَّ احْفَظُ عُلَمَاءَهُ وَوُزَرَاءَهُ وَقُضَاتَهُ وَعُمَّالَهُ وَرَعَايَاهُ مِنَ الْمُؤْمِنِينَ وَالْمُؤْمِنَاتِ بِرَحْمَتِكَ يَا أَرْحَمَ الرَّاحِمِينَ. اللَّهُمَّ اجْعَلْ بَلَدَنَا مَالِيزِيَا آمِناً مُطْمَئِنَّا، سَخَاءً رَخَاءً، دَارَ عَدْلٍ وَإِيمَانِ، وَأَمْنِ وَأَمَانِ، وَسَائِرَ بِلَادِ الْمُسْلِمِينَ.



اللَّهُمَّ أَعِزَ الْإِسْلَامَ وَالْمُسْلِمِيْنَ، وَدَمِّرْ أَعْدَاءَكَ أَعْدَاءَ الدِّينِ وانْصُرْ مَنْ نَصَرَ الدِّينَ، وَاخْذُلْ مَنْ خَذَلَ الْمُسْلِمِيْنَ، وَأَعْلِ كَلِمَتَكَ إِلَى يَوْمِ الدِّيْنِ.

يا الله! كامي مموهون كفدمو يا الله، ليمفهكله كتنغن دان كيقين كفد انق-انق كامي يغ باكل مندودوقي ففريقساءن سيجيل فلاجرن مليسيا. لافغكله دادا مريك دغن چهاي علمو دان بيمبيغنمو، فرمودهكله ستياف اوروسن مريك دغن كفهمن دان إلهامكله جوافن يع بنر دان تفت. جاديكله اوسها مريك سباكاي عباده دان كفوتوسن مريك سباكاي رزقي يع دبركتي، فليهاراله مريك درفد كغكوان فيكيرن دان كتنغن جيوا. يا الله! كورنياكله كجاياءن يغ ممباوا مريك لبيه همڤير كفدمو كاياءن يع مغغكت مرواه ايبو باف، كورو، دان اكام، جاديكله مريك كينراسي برعلمو، برأخلاق دان بربقتي كفد اومة سرتا تانه اءير.

يا الله! امڤونيله سكالا دوسا كامي سام اد يغ كامي سدر اتاوڤون تيدق. بنتوله اومت اسلام يغ ترتيندس د مان-مان جوا تراوتامان بوات ساودارا كامي د سودان، فلسطين دان د مان-مان سهاج. بريله كقواتن بوات مريك يغ كيني سدغ ممبينا سمولا سيسا كهيدوڤن مريك دري رونتوهن دان دبو ڤڤرڠن. يا الله، اڠكاوله سباءيق-باءيق ڤليندوڠ! ڤوليهكله بومي مريك يغ هنچور، سمبوهكله مريك يغ ترلوك، دان كنتيكله ستياڤ تيتيسن اءير مات مريك دڠن سپومن يغ اڠكاو ريضاءي.

يا الله، توهن يغ مها مغواتكن! تابهكنله هاتي كامي دالم منمڤوه كلومبغ اوجين دنيا يغ كيان منچابر اين. جاغن بياركن كامي كويه كتيك د أوجي دان جاغن كاو ڤاليڠكن هاتي كامي ستله كاو بري ڤتونجوق. جاديكنله كامي سرتا ذورية كتورونن كامي انتارا همبا-همبا-مو يغ نتڤ منديريكن صلاة دان براخلاق موليا. ليندوڠيله كامي، واهاي



توهن يغ مها ڤپايغ، درڤد كموركاءن-مو دان سكالا بالا بنچان باءيق وابق ڤپاكيت يغ بربهاي، كاراو يغ ممريتكن، بنجير يغ مموسنهكن، كمڤا يغ مڠكونچڠ، سرتا اڠين يغ ممبيناساكن، ڤليهاراله كامي درڤد كسستن، كجاهيلن دان سكالا كجاهتن، سام اد يغ تمڤق ماهوڤون يغ ترسمبوپي، سسوڠكوهڻ تيادله داي دان كقواتن باكي كامي ملاءينكن دڠن ڤرتولوڠن دان رحمة-مو جوا، اڠكاوله سباءيق-باءيق ڤليندوڠ دان سأكوڠ-اكوڠ ڤنولوڠ.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللهِ، \* إِنَّ ٱللَّهَ يَأْمُرُ بِٱلْعَدْلِ وَٱلْإِحْسَانِ وَإِيتَآيِ ذِى ٱلْقُـرُبَىٰ وَيَنْهَىٰ عَنِ ٱلْفَحْشَآءِ وَٱلْمُنكِرِ وَٱلْبَغْيِّ يَعِظْكُمْ لَعَلَّكُمْ تَذَكَّرُونَ ۞

فَاذْكُرُوا اللهَ الْعَظِيمَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذَكُرُ اللهِ أَكْبَرُ، وَاللهُ يَعْلَمُ مَا تَصْنَعُونَ.